

105 *Questo è l'hordine, dato in campo sotto Brexa,
per il dar di la bataglia, a le fantarie.*

Prima bataglia.

Vigo da Perosa	fanti	100
Scipion di Ugoni	»	100
Rizo da Cavina	»	100
Babino di Naldo	»	100
Jacomo Antonio Roncon	»	100
Antonio di Pietra Santa	»	250
Bernardin da Parma	»	150

fanti 900

Seconda bataglia.

Guagni Pincon	fanti	300
Matio dal Borgo	»	200
Hironimo Fateinanzi	»	200
Zuan Da Riete	»	100

fanti 800

Terza bataglia.

Francesco Calison	fanti	320
Hironimo Tartaro	»	250
Zuan Antonio di Valtrompia	»	250

fanti 820

Soccorso dove achaderà.

Naldo di Naldi	fanti	126
Babon di Naldo	»	280
Guido di Naldo	»	209
Cesaro di Cavina	»	275
Octavian di Naldo	»	176
Hironimo de Lama	»	140
Pagati novamente venuti di Romagna	»	700

fanti 1906

Zuan Bernardin da Leze	fanti	400
Benedeto Crivello	»	400
Serafin da Cai	»	320
105* Antonio di Castello	»	200
Frachasso da Pisa	»	200
Alfonxo dil Mutulo	»	200

Schiaveto da Pyran	fanti	150
La Guarda del signor Gubernador	»	100
Bartholamio da Perosa	»	100
Morgante da Perosa	»	200
Silvestro da Perosa	»	100
Alfonxo, spagnuol	»	125

2495

A dì 10 la mattina. Fo lettere a bona hora di campo, qual lecte con li Cai di X, et sono di 8, hore 3. In conclusion, zercha la praticha hanno in Brexa, e la note dove no intrar etc., come più copioso dirò di soto. Et leto le letere, fo sacramentà tutto il Colegio e comandà grandissima credenza, e retenute le letere particular; sichè niuno ave le sue letere.

Vene l' orator yspano, al qual con li Capi di X, justa la deliberation dil Senato, li fo risposto è intrato in la praticha di tratar acordo con l' Imperador. Quello disse no 'l so; lo saprò poi.

Da poi disnar fo Gran Conseio. Io fui in electione et mi fci nominar proveditor sora i officii e cosse dil regno di Cypri, et balotato con do altri non passò niuno; e questo è li meriti per le fatiche ho di scriver questo Diario continuamente.

Fu posto, per li consieri, atento sier Andrea Malpiero rimase proveditor sora la sanità et è amalato, che sia electo uno altro in locho suo, et possi refudar, non obstante la pena, sicome in sier Mafio Michiel fu fato. Ave 180 di no, il resto di si, e fu presa.

Fu posto, per li consieri, atento sier Antonio da Canal qu. sier Zuanne electo zà più mexi consier a Retimo, el qual per egritudine non ha potuto andar, e volendo andar con le galie de Alexandria quelle non è partide: che el tempo non li sia corso a suo danno, come ad altri in simel caxi è stà concesso; et balotata do volte, non fu presa.

Et licentiato Gran Conseio, la Signoria si redusse in cheba ad aldir certa diferentia di mori et sier Domenego Pixani e consorti.

Fo menato, hessendo Gran Conseio suso, uno rebello citadin da Conejan, nominato Francesco da Cole, mandato qui per il contestabele di sier Hironimo da cha' da Pexaro podestà et capitano a Trevixo, et fo mandato a le prexon. Questo à fato gran danno sul trivixan.

Di Roma. Vene lettere di l' orator nostro, di 4 le ultime. Come era stà dito de li, francesi esser ussiti di Brexa et dato streta a li nostri. *Item*, il Papa è disposto a tuor la impresa di Ferara, manda 100